



Universitätsbibliothek Paderborn

**Doctrina Theologica D. Gummari Huygens In Quibusdam
Speciminibus Exhibita**

Amstelbeeck, Rudolf von

Coloniæ Agrippinæ, 1691

§. 4. Doctrina D. Gummari Huygens circa liberum Arbitrium Actuum
humanorum.

urn:nbn:de:hbz:466:1-39044

*Doctrina D. Gummari Huygens
circa liberum Arbitrium Actuum
humanorum.*

UT in libertatem actuum humanorum involet solertiūs, ita statuit in dictatis publicis, de quibus supra art. I. observ. I. *Amor... beatificus... recte dicitur esse liber, etiam à necessitate, & magis quam ulla actio naturae lapsæ, aut hominis in statu innocentia, aut Angelorum viatorum.*

Eadem repetit in dam. Comp. pag. 12. *in ipso amore beatifico major est à necessitate libertas, quam in ullo amore Viatoris.*

Rursus in dictatis, de quibus supra, art. I. observ. I. *Nulla actio hominis in hoc statu naturæ lapsæ ita est in nostra potestate, ac proinde nulla tam justo titulo vocatur humana, quam amor beatificus.*

Etenim si aliquod bonum ipso Deo melius per impossibile existeret: & rursus, si per impossibile melius foret ab amore Dei cessare; utrumque intellectui adeo illuminato promptissimè occurreret; voluntas quoque... promptissimè se ipsam determinaret vel ad maiorem istius boni amarem, vel ad amoris Dei cessationem. Ibid. Quia

Quia verò videbat hæc parum consistere cum communissima libertatis definitione ; ita eam præoccupat in dictatis supra citatis artic. 1. observat. 2. Objicies fortè , quod definitio libertatis hæc , nimirum potestas ad agendum & non agendum positis &c. repugnet libertati amoris beatifici : verum intrepide negamus illam definitionem : neque enim iusta vel autoritate vel ratione nititur , ut eam admittere cogamur : nec etiam adeò benè de Theologia merita est , ut eam vel explicare teneamur : etenim nimium propendet in Pelagianorum , & Semipelagianorum errores.

Ut hæc magis inculcat , ita prosequitur in dam. Comp. pag. 12. Definitio illa libertatis , potestas ad agendum & non agendum &c. non fuit nota Aristoteli , & cum etiam SS. Augustino & Thomæ ignota fuerit , modo non est necessaria Theologie.

Quam verò inimica sit tota doctrina hæc libertati humanorum actuum , aliorum judicio relinquo.